

Disticha moralia,  
titulo Catonis in-  
scripta.



LVTETIAE,  
Ex officina Roberti Stephani,  
M. D. LVIII.





# Libellus elegātissi-

MVS, QVI INSCRIBITVR

Cato de præceptis vitæ communis.

**C**V'M animaduernerem quāplurimos homines errare grauitè in via morum, succurrèdum & consulendum opinioni eorum fore existimaui: maximè vt gloriose viuerèt, & honorem contingerent. Nunc te fili charissime docebo, quo pacto mores animi tui componas. Igitur mea præcepta ita legito, vt intelligas: Legere enim, & non intelligere, negligere est.

Itaque Deo supplica.

Parentes ama.

Cognatos cole.

Magistrum metue.

Datum serua.

Foro te para.

Cum bonis ambula.

Antequam voceris, ad consilium ne accèsseris.

Mundus esto.

Saluta libenter.

Maiori cede.

Minori parce.

Rem tuam custodi.

A.ij.

Verecundiam serua.  
Diligentiam adhibe.  
Libros lege:  
Quos legeris memento.  
Familiam cura.  
Blandus esto.  
Iraſci ab re noli.  
Neminem irriſeris : vel, Miſerum ne irriſeris.  
Mutuum dato :  
Cui des videto.  
Iudicio adeſto.  
Conuiuare raro.  
Quod ſatis eſt dormi.  
Iuſiurandum ſerua.  
Vino te tempera.  
Pugna pro patria.  
Nil temerè credideris.  
Tu te conſule : aut,  
Tutò conſule.  
Meretricem fuge.  
Literas diſce.  
Nil mentiri debes.  
Bonis benefacito.  
Maledicus ne eſto.  
Exiſtimationem retine.  
Æquum iudica.  
Parentes patientia vince.  
Beneficij accepti memor eſto.

Ad prætorium statò.  
 Consultus esto.  
 Vtere virtute.  
 Iracundiam tempera.  
 Trocho lude.  
 Aleas fuge.  
 Nihil ex arbitrio virium feceris.  
 Minorem te ne contempseris.  
 Aliena concupiscere noli,  
 Coniugem ama.  
 Liberos erudi.  
 Pàtere legem quam ipse tuleris.  
 Pauca in conuiuio lóquere.  
 Illud stude quod iustum est.  
 Libenter ferto amorem.

**S**I Deus est animus, nobis vt carmina dicunt:  
 Hic tibi præcipuè sit pura mente colendus.

Plus vigila semper, nec somno deditus esto :  
 Nam diuturna quies vitiis alimenta ministrat.

Virtutem primã esse puta, compescere linguam:  
 Proximus ille Deo, qui scit ratione tacere.

Sperne repugnando, tibi tu contrarius esse.  
 Conueniet nulli, qui secum dissidet ipse.

A. iij.

Si vitam inspicias hominum, si denique mores,  
Quum culpes alios, nemo sine crimine viuit.

Quę nocitura tenes, quāuis sint chara, relinque.  
Vtilitas opibus præponi tempore debet.

Constans & lenis, sicut res postulat, esto:  
Temporibus mores sapiens sine crimine mutat.

Nil temerè vxori de seruis crede querenti:  
Sæpe etenim mulier, quem coniunx diligit, odit:

Quumq; mones aliquē, nec se velit ipse moneri:  
Si tibi sit charus, noli desistere cœptis.

Contra verbosos noli contendere verbis.  
Sermo datur cunctis, animi sapientia paucis.

Dilige sic alios, vt sis tibi charus amicus.  
Sic bon<sup>9</sup> esto bonis, ne te mala damna sequantur.

Rumores fuge, ne incipias nouus author haberi:  
Nam nulli tacuisse nocet : nocet esse locutum.

Rem tibi promissam, certò promittere noli.  
Rara fides, ideo quia multi multa loquuntur.

Quū te aliquis laudat, iudex tuus esse memento:  
Plus aliis de te, quàm tu tibi, credere noli.

Officium alterius multis narrare memento:  
Atque aliis quum tu benefeceris, ipse fileto.

Multorum quum facta senex & dicta recensces,  
Fac tibi succurrant, iuuenis quæ feceris ipse.

Ne cures si quis tacito sermone loquatur:  
Consciū ipse sibi, de se putat omnia dici.

Quum fueris felix, quæ sunt aduersa caueto:  
Non eodem cursu respondent vltima primis.

Quum dubia & fragilis sit nobis vita tributa,  
In morte alterius spem tu tibi ponere noli.

Exiguum munus quum dat tibi pauper amicus,  
Accipito placidè, & plenè laudare memento.

Infantem nudum quum te natura creârit,  
Paupertatis onus patienter ferre memento.

Ne timeas illam, quæ vitæ est vltima finis:  
Qui mortem metuit, quod viuit, perdit id ipsum.

A.iiij.

Si tibi pro meritis nemo respondet amicus:  
Incusare Deum noli: sed te ipse coërce.

Ne tibi quid desit, quæsis utere parcé.  
Utque quod est serues, semper tibi deesse putato.

Quod præstare potes, ne bis promiseris ulli:  
Ne sis ventosus, dum vis urbanus haberi.

Qui simulat verbis, nec corde est fidus amicus:  
Tu quoque fac simile: sic ars deluditur arte.

Noli homines blando nimium sermone probare.  
Fistula dulce canit, volucrum dum decipit auceps.

Cum tibi sunt nati, nec opes: tunc artibus illos  
Instrue, quo possint inopem defendere vitam.

Quod vile est, carum: quod carum est, vile putato.  
Sic tibi nec cupidus, nec avarus nosceris ulli.

Quæ culpæ soles, ea ne tu feceris ipse.  
Turpe est doctori, quum culpa redarguit ipsum.

Quod iustum est petito, vel quod videatur honestum:  
Nam stultum est petere id, quod possit iure negari.



Ignotum tibi tu noli præponere notis.

Cognita iudicio constant, incognita casu.

Quum dubia incertis versetur vita periclis:

Pro lucro tibi pone diem, quicumque laboras.

Vincere quum possis, interdum cede sodali:

Obsequio quoniam dulces retinentur amici.

Ne dubites, quum magna petas, impendere parua:

His etenim rebus coniungit gratia charos.

Litē inferre caue, cum quoq tibi gratia iuncta est.

Ira odium generat: concordia nutrit amorem.

Seruorū ob culpam quum te dolor vrget in iram,

Ipse tibi moderare, tuis ut parcere possis.

Quem superare potes, interdum vince ferendo:

Maxima enim morum semper patientia virtus.

Conserua potius quæ sunt iam parta labore.

Quum labor in damno est, crescit mortalis egestas.

Dapsilis interdum notis, & charus amicis:

Quum fueris felix, semper tibi proximus esto.

**T**elluris si fortè velis cognoscere cultus,  
Virgiliū legito. quòd si mage nosse laboras

Herbarum vires, Macer tibi carmine dicet.

Si Romana cupis & ciuica noscere bella,

Lucanum quæras, qui Martis prælia dicet.

Siquid amare libet, vel discere amare legendo.

Nasonem petito. si autem cura tibi hæc est,

Vt sapiens viuas, audi, quòd discere possis,

Per quæ semotum vitiis traducitur æuum.

Ergo ades: & quæ sit sapientia, discce legendo.

Si potes, ignotis etiam prodesse memento:

Vtilius regno est, meritis acquirere amicos.

Mitte arcana Dei, cælúmque inquirere quid sit:

Quum sis mortalis, quæ sunt mortalia, cura.

Linque metú lethi: nã stultú est tēpore in omni,

Dum mortem metuis, amittere gaudia vitæ.

Iratus de re incerta contendere noli:

Impedit ira animum, ne possit cernere verum.

**Fac sumptum properè, quum res desiderat ipsa:  
Dādū etenī est aliquid, quū tēp<sup>9</sup> postulat, aut res.**

**Quod nimiū est fugito, paruo gaudere memēto:  
Tuta mage est puppis, modico quę flumine fertur**

**Quod pudeat, socios prudens celare memento:  
Ne plures culpent id, quod tibi displicet vni.**

**Nolo putes prauos homines peccata lucrari:  
Temporibus peccata latent, & tempore parent.**

**Corporis exigui vires contemnere noli:  
Consilio pollet cui vim natura negauit.**

**Quem scieris non esse parem tibi, tempore cede:  
Victorem à victo superari sæpe videmus.**

**Aduersus notum noli contendere verbis:  
Lis minimis verbis interdum maxima crescit.**

**Quid Deus intēdat, noli perquirere forte:  
Quid statuāt de te, sine te deliberat ipse.**

**Inuidiam nimio cultū vitare memento:  
Quæ si non lædit, tamē hanc sufferre molestū est.**

Esto animo forti, quum sis damnatus iniqué.  
Nemo diu gaudet, qui iudice vincit iniquo.

Litis præteritæ noli maledicta referre.  
Post inimicitias iram meminisse, malorum est.

Nec te collaudes, nec te culpaueris ipse:  
Hoc, faciunt stulti: id, quos gloria vexat inanis.

Vtere quæsitis modicè, quum sumptus abundat.  
Labitur exiguo quod partum est tempore lógo.

Insipiens esto, quum tempus postulat aut res.  
Stultitiam simulare loco, prudentia summa est.

Luxuriam fugito: simul & vitare memento  
Crimen auaritiæ: nam sunt contraria famæ.

Noli tu quædam referenti credere semper.  
Exigua iis tribuenda fides, qui multa loquuntur.

Quod potu peccas, ignoscere tu tibi noli:  
Nam nullum crimen vini est, sed culpa bibentis.

Consilium arcanum tacito committe sodali.  
Corporis auxilium medico committe fideli.

Noli successus indignos ferre molesté.  
Indulget fortuna malis, vt lædere possit.

Prospice qui veniunt, hos casus esse ferendos:  
Nam leuius lædit, quicquid præuidimus antè.

Rebus in aduersis animum summittere noli.  
Spè retine: spes vna hominē nec morte relinquit.

Rem tibi quam nosces aptam, dimittere noli.  
Fronte capillata est, sed pòst occasio calua.

Quod seqtur, spectā: quòdq; iminet, antè videto:  
Illū imitare deum, qui partem spectat vtrāque.

Fortius vt valeas, interdum parcior esto.  
Pauca voluptati debentur, plura saluti.

Iudiciū populi nunquam contempseris vnus:  
Ne nulli placeas, dum vis contemnere multos.

Sit tibi præcipuè, quod primum est, cura salutis.  
Tempora ne culpes, quum sis tibi causa doloris.

Somnia ne cures: nā mens humana quod optat,  
Dum vigilat sperans, per somnū cernit id ipsum.

**H**Oc quicūq; cupis carmē cognoscere lector,  
Hæc præcepta feres, quæ sūt gratissima vitæ.

Instrue præceptis animum, nec discere cesses:  
Nam sine doctrina, vita est quasi mortis imago.

Commoda multa feres: si autem spreueris illud,  
Non me scriptorem, sed te neglexeris ipse.

Quum rectè viues, ne cures verba malorum:  
Arbitrii nostri non est, quid quisque loquatur.

Productus testis, saluo tamen antè pudore,  
Quantumcunque potes, celato crimen amici.

Sermones blandos blæsosque cauere memento:  
Simplicitas veri sana est: fraus ficta loquendi.

Segnitiam fugito, quæ vitæ ignauia fertur.  
Nā quū animus languet, cōsumit inertia corpus.

Interpone tuis interdum gaudia curis:  
Vt possis animo quemvis sufferre laborem.

Alterius dictum aut factū nē carpsieris vnquam;  
Exemplo simili ne te derideat alter.

Quæ tibi fors dederit, tabulis suprema notato:  
Augendo serua: ne sis quem fama loquatur.

Quum tibi diuitiæ superant in fine senectæ,  
Munificus facito viuas, non parcus amicis.

Vtile consilium dominus ne despice serui.  
Nullius sensum, si prodest, tempseris vnquam.

Rebus & in censu si non est quod fuit antè,  
Fac viuas contentus eo quod tempora præbent.

Vxorem fuge ne ducas sub nomine dotis:  
Nec retinere velis, si cœperit esse molesta.

Multorum disce exemplo, quæ facta sequaris,  
Quæ fugias: vitæ est nobis aliena magistra.

Quod potes, id tentes: operis ne pōdere pressus  
Succumbat labor, & frustra tentata relinquo.

Quod nosti haud rectè factum, nolito silere:  
Ne videre malos imitari velle tacendo.

Iudicis auxilium sub iniqua lege rogato:  
Ipse etiam leges cupiunt vt iure regantur.

Quod meritò páteris, patienter ferre memento:  
Quúmque reus tibi sis, ipsum te iudice damna.

Multa legas facito: perlectis perlege multa.  
Nam miranda canunt, sed non credenda poëta.

Inter conuiuas fac sis sermone modestus:  
Ne dicare loquax, dum vis vrbanus haberi.

Coniugis iratæ nolite verba timere:  
Nā lachrymis struit insidias, dū fœmina plorat.

Vtere quæsitis, sed ne videaris abuti.  
Qui sua consumút, quum deest, aliena sequútur.

Fac tibi proponas mortem non esse timendam:  
Quæ bona si non est, finis tamen illa malorú est.

Vxoris linguam, si frugi est, ferre memento.  
Nāque malum est nil velle pati, nec posse tacere.

Dilige non ægra charos pietate parentes:  
Nec matrē offendas, dum vis bonus esse parenti.



**S**Ecuram quicumque cupis traducere vitam;  
Nec vitiis hædere animū, quæ morib<sup>9</sup> obsunt:

Hæc præcepta tibi semper relegenda memento:  
Inuenies aliquid, quo te nitare magistro.

Despice diuitias, si vis animo esse beatus:  
Quas qui suspiciunt, mendicant semper auri.

Commoda naturæ nullo tibi tempore deerunt;  
Si contentus eo fueris, quod postulat usus.

Quum sis incautus, nec rem ratione gubernes;  
Noli fortunam, quæ non est, dicere cæcam.

Dilige denarium : sed parcè dilige formam:  
Quā nemo sanctus, nec honestus captat habere.

Quum fueris locuples, corpus curare memento:  
Æger diues habet nummos, se non habet ipsum.

Verbera quum tuleris discens aliquādo magistris:  
Fer patris imperium, quum verbis exit in itam.

Res age quæ prosunt : rursus vitare memento  
In quibus error inest, nec spes est certa laboris.

B.i.

Quod donare potes, gratis concede roganti:  
Nam rectè fecisse bonis, in parte lucrosum est.

Quod tibi suspectū est, confestim discute quid sit:  
Nāque solent, primò quæ sunt neglecta, nocere.

Quum te detineat Veneris damnosa voluptas,  
Indulgere gulæ noli, quæ ventris amica est.

Quum tibi proponas animalia cuncta timere:  
Vnum hominē tibi præcipio plus esse timendum.

Quum tibi præualidæ fuerint in corpore vires,  
Fac sapias : sic tu poteris vir fortis haberi.

Auxilium à notis petito, si fortè laboras:  
Nec quisquā melior medic⁹, quàm fidus amicus.

Quum sis ipse nocēs: moritur cur victima pro te?  
Stultitia est morte alterius sperare salutem.

Quum tibi vel socium, vel fidum quæris amicum:  
Non tibi fortuna est hominis, sed vita petenda.

Vtere quæsitis opibus: fuge nomen avari:  
Quid tibi diuitiæ profunt, si pauper abundas?

Si famam seruire cupis, dum viuis, honestam,  
Fac fugias animo quæ sunt mala gaudia vitæ.

Quum sapias animo, noli irridere senectam:  
Nam quicumque senet, sensus puerilis in illo est.

Disce aliquid: nam quum subitò fortuna recedit,  
Ars remanet, vitamq; hominis nō deserit vnquā.

Prospicito tecum tacitus, quid quisque loquatur:  
Sermo hominū mores & celat & indicat idem.

Exerce studium, quanuis perceperis artem.  
Vt cura ingenium, sic & manus adiuuat vsum.

Multū venturi ne cures tempora fati:  
Non mortem meruit, qui scit cōtemnere vitam.

Disce, sed à doctis: indoctos ipse doceto:  
Propaganda etenim rerum doctrina bonarum.

Hoc bibe quod possis, si tu vis viuere sanus:  
Morbi nāque mali causa est quādoque voluptas.

Laudaris quodcūque palàm, quodcūq; probaris,  
Hoc vide ne rursus leuitatis crimine damnes.

B.ij.

Tranquillis rebus, quæ sunt aduersa cauto:  
Rursus in aduersis, melius sperare memento.

Discere ne cesses : cura sapientia crescit:  
Rara datur longo prudentia temporis usu.

Parcè laudato : nam quem tu sæpe probaris,  
Vna dies, qualis fuerit, monstrabit, amicus.

Ne pudeat, quæ nescieris, te velle doceri:  
Scire aliquid laus est, pudor est nil discere velle.

Cum Venere & Baccho lis est, & iuncta voluptas:  
Quod lautum est, animo cōplectere: sed fuge lites.

Demissos animo ac tacitos vitare memento:  
Quà flumen placidum est, forsan latet altius vnda.

Quum tibi displiceat rerum fortuna tuarum,  
Alterius spectata, quo sis discrimine peior.

Quod potes id tenta : nam litus carpere remis  
Tutius est multò, quàm velum tendere in altum.

Contra hominem iustum noli contēdere prauè:  
Semper enim Deus iniustas vlciscitur iras.

Ereptis opibus noli mœrere dolendo:  
Sed gaude potius, tibi si contingat habere.

Est iactura grauis, quæ sunt, amittere damnis:  
Sunt quædã quæ ferre decet patienter amicum.

Tempora longa tibi noli promittere vitæ.  
Quocûq; ingrederis sequitur mors, corp<sup>9</sup> vt cõbra.

Thure Deum placa : vitulum sine, crescat aratro:  
Nec credas placare Deum, dum cæde litatur.

Cede locum læsus fortunæ, cede potenti:  
Lædere qui potuit, prodesse aliquando valebit.

Quum quid peccaris, castiga te ipse subinde:  
Vulnera dum sanas, dolor est medicina doloris.

Damnaris nunquã post lógum tempus amicum:  
Mutauit mores, sed pignora prima memento.

Gratior officiis quò sis, mage charior esto:  
Ne nomen subeas quod dicitur officiperdã.

Suspectus caueas, ne sis miser omnibus horis:  
Nam timidis & suspectis aptissima mors est.

B. iij.

Quum seruos fueris proprios mercatus in vsus,  
Et famulos dicas : homines tamen esse memēto.

Quamprimum rapienda tibi est occasio prima:  
Ne rursus quæras, quæ iam neglexeris anté.

Morte repentina noli gaudere malorum:  
Felices obeunt, quorum sine crimine vita est.

Quum tibi sit coniunx, nec res : & fama labore:  
Vitandum ducas inimicum nomen amici.

Quum tibi contigerit studio cognoscere multa:  
Fac discas multa, & vites nil velle doceri.

Miraris verbis nudis me scribere versus?  
Hos breuitas sensus fecit coniungere binos,

EXCVDEBAT ROBERTVS STEPHA-  
NVS, LVETIAE, ANNO M. D.  
LVIII. VI. NON. MAII.

701. 1-6

2

39.351510